



In sabeda ai 16 de Novèmber él gnü sughé le ritorno dl 2° turno dla Copa Provincia 2013/2014 de 3° categoria por La Val. Do la bela devènta dl'ultima dumènia te campionat y le bel plazamènt de tlassifica, é la squadra da La Val bona de passè le turno davagnan te ciasa cuntra le Neustift por 3 a 1.

La sabeda da duman ê le ciamp ciamò curì dala nêi, porchêl él stè Micky y Alex A. che se à tut la bria de desaparè fora y à arjigné ca n bel ciamp vèrt. Le laûr é gnü premié, noma cun la bela parüda sön le ciamp da pêrt di sogadus mo sambëgn ince dai tröc sostenidus che é gnüs a ciarè pro la partida.

La partida mèt man dèr bun por La Val, i prüms 20 menüc ne vèiga i avversar nianca un en iade la porta. La Val lascia udèi n bel jüch, scialdi vigni pal vëgn concuistè y sughé fora bun,

insciö röia i atacanc ince deplü iadi a contlujiun.

A mez le pröm tēmp tomel spo le gol dl 1 a 0. Sön na rebatüda dal cíantun él Freddy al limit dl'area che tira na bela trata che röia sön le palo y spo tla rēi. Dedô éle ince ciamò Manuel S. che controlēia n bun pal te area mo le tiro vëgn parè sön la riga dal portier.

Bel plan é spo l'assedio da pêrt dla squadra da La Val che da dô, les dijazenziuns vëgn paiades y insciö devēta ince le Neustift plö prigorius.

Sön n cross éle n atacant avversar che se fej furbo, al se cūfa jö y le pal ti röia sön la man al defensur da La Val, le arbiter mostra atira le punt di önescmetri. Le atacant se prejēta dan Sepl y le trasformēia tl 1 a 1. Cun na parité é i sogadus da La Val sambëgn no cuntanc, ai mēss a düc i cosc jì in vantaje por passè le turno.

Bel plan é spo la squadra che ciafa indô l'intensité de jüch da denant, al ne passa nia tröc menüc do le rigore che Emanuel D. fej n bel gol. Sön n lancio da mezcíamp éle bun de se tignì le pal sot a control y cun n bel palonët scavalchēiel le verdaporta y apogēia le pal de cé te porta. Le 2 a 1 ti dà indo de nöies forzes ala squadra y arbasa insciö la nervosité te cíamp. Dan le pröm tēmp él ciamò na ocajiun da recordè, Emanuel é bun cun na bela finta de superè la defenjun avversara y de jì cuntra porta, le tiro vëgn però devié ciamò da n defensur, le pal ti röia indô sön le pé mo la secunda trata vëgn spo parada dal portier.

Le pröm tēmp se stluj insciö sön le resultat de 2 a 1 por La Val.

Le secundo tēmp vëgn indo scialdi sughé dala squadra de cíasa. I pai rebatüs dala defenjiun dl Neustift vëgn tröc recuperà a mezcíamp y partis fora a les fascas o ai atacanc. Le cíamp ne pormēt nia che vigni pal röies a destinaziun a gauja dl terëgn bindebo dlace.

Mo impò é i sogadus che süga tröp sön les fascas y chisc é bugn de abiné i pai y de se azentrè a dè le preparativ por i atacanc. Na ocajiun d'or é ince Alex E. che ciafa, sön n bel cross de Micky tirl na bela trata al jore mo chēsta rimbalza mal, da impröma ia por tera y dedô sura porta fora.

Dal atra pêrt dl cíamp é scialdi Sepl che mēss fa movimēt por se tignì cíalt, de gran ocajiuns da gol dl Neustift ne pon nia cumpedè.

A segné le 3 a 1 é spo Romeo, apena rovè te cíamp, co pēnsa. Sön na bela combinaziun danter Emanuel y Stefan él le pal che ti röia al atacant che cun n bel palonët scavalchēia le verdaporta da Neustift.

Dô le gol é spo la squadra che pò se posizioné bun te cíamp y sogadus frësc vëgn te cíamp a daidè tignì le resultat.

Le alenadù da La Val à ince messè se alontanè dal cíamp por na protesta cuntra l'arbiter. De atres gran ocajiuns da pêrt de trames squadre ne é nia da recordè fina ala fin dla partida. Insciö sciüra l'arbiter tosc la fin y i sogadus adüm ai sostenidus pò esulté por avēi passè le

turno.

Les proscimes partidas gnarà bunamënter sugades dan le scomanciamënt dl campionat da d'ainsciüda.

Do la partida él gnü festejë la devënta te Copa y le bun plazamënt de campionat adüm a düc i sostenidus dla squadra.



Insciö é les partidas da d'altonn por la squadra da La Val definitivamënter ruvades. I sostenidus dla squadra adüm a dü

ć
chi che d
ë
ida arjigné

ca na bela cornisc vigni dom
ë
nia se inconforta a n bel ritorno pl
ë
gn de emoziuns!

Formaziun titolara: Sepl Kantioler, Martin Ploner, Werner Sottara, Paolo Vallazza, Egon Frenes, Alex Elzenbaumer, Stefan Sottara, Freddy Sottara, Micky Frenes, Manuel Stampfer y Emanuel Dorigo

Sostituziuns:

Romeo Rubatscher por Manuel Stampfer (60^)

Marco Castlunger por Egon Frenes (65^)

Adrian Miribung por Micky Frenes (70^)

Felix Nagler por Stefan Sottara (77^)

Alex Alton por Freddy Sottara (86^)

Alenadù: Floriani Claudio

Por oděi i atri resultač de Copa drüca sön [risultati Coppa](#)